

Transkript sa konferencije za medije međunarodnih organizacija

OHR, Oleg Milišić

OSCE, Mershiha Čaušević-Podžić

EUPM, Zinaida Ilaria

EUFOR, Jem Thomas

OHR

Drugi i treći dan oproštajne turneje visokog predstavnika

Drugog dana svoje oproštajne turneje po Bosni i Hercegovini, visoki predstavnik ovoga jutra boravi u Gornjem Vakufu/Uskoplju.

U okviru posjete Gornjem Vakufu/Uskoplju, visoki predstavnik će se susresti sa općinskim liderima i predstavnicima opozicije, ali isto tako obaviće i neformalne razgovore sa građanima o tome koliko su promjene uvedene u protekle tri i po godine uticale na njihove živote.

Danas u poslijepodnevnom časovima, visoki predstavnik putuje u Banja Luku gdje će se susresti sa zvaničnicima Republike Srpske, uključujući predsjednika Dragana Čavića, predsjednika Vlade Peru Bukejlovića i ministricu finansija Svetlanu Cenić, kao i sa predstavnicima udruženja izbjeglica i izbjegličkim porodicama. U toku svoje posjete Banja Luci, visoki predstavnik će se takođe susresti sa liderom SNSD-a Miloradom Dodikom.

U toku posjete visokog predstavnika Banja Luci planirano je nekoliko obraćanja medijima, i svi vi koji niste imali priliku da pročitate našu informaciju za medije možete to učiniti po

završetku ove konferencije za štampu.

Na kraju svoje trodnevne oproštajne turneje, tj. u srijedu 25. januara 2006. godine, visoki predstavnik će posjetiti Srebrenicu.

Visoki predstavnik će se susresti sa načelnikom Malkićem i predstavnicima udruženja Majke Srebrenice, nakon čega će u Memorijalnom centru u Potočarima odati počast žrtvama srebreničkog masakra.

Visoki predstavnik će takođe posjetiti povratnike u Srebrenicu kod kojih je, zajedno sa svojom suprugom Jane, odsjedao prilikom ranijih posjeta Srebrenici.

U sklopu posjete Memorijalnom centru u Potočarima, visoki predstavnik će sutra, tj. u srijedu 25. januara 2006. godine, u 13:45 sati, dati izjavu za medije.

OSCE

Nije bilo izjava.

EUPM

Nije bilo izjava.

EUFOR

Nije bilo izjava.

Pitanja novinara

Antonio Prlenda, Oslobođenje

Jem, da li znate rezultate istrage sprovedene u Kozarskoj Dubici, odnosno o tajnom skladištu oružja koje ste tu pronašli? Znae na šta mislim, na tri tone municije i sve ostalo – da li ste nešto više saznali?

Jem Thomas, EUFOR:

Da, mogu reći da je grupa u Banja Luci, multinacionalna operativna grupa «Sjeverozapad» pregledala svo oružje koje su pronašli – nekih tri tona minobacačkih bombi, minobacačkih granata, što je jedno od najvećih tajnih skladišta oružja koje su pronašli. Trenutno njihova istraga vodi do zaključka da to oružje stoji na tom mjestu već dosta vremena. Svo pronađeno oružje je u veoma lošem stanju. Moguće je da tu stoji već godinama, čak i od rata. Dakle, to su rezultati istrage do sada. Većina oružja nije u ispravnom stanju i nije sigurno koristiti to oružje, prema tome izgleda da to oružje nije bilo smješteno tu čekajući da neko dođe po njega i da se stvaraju problemi.

Antonio Prlenda

Da li postoje obilježja na kutijama koji vam mogu pomoći kome one pripadaju, kao na primjer Republici Srpskoj ili nekome drugome? Ili da možda utvrdite mjesto proizvodnje?

Jem Thomas, EUFOR:

Trenutno vam ne mogu odgovoriti na to pitanje. Nemam te detalje. Međutim, svakako mogu to provjeriti sa multinacionalnom operativnom grupom «Sjeverozapad», te vidjeti da li oni imaju više informacija o tome.